




Мырзатай Жолдасбеков

Құлтегін – біздің бабамыз



Халқымыздың бетке үстар асыл азаматтарының бірі, орда бұзар отыз жасында жемісті ғылыми-зерттеу енбектерімен қазақ әдебиетінің тарихын бір мың екі жүз жылға терендептіп, ерлік жасаған, тоталитарлық жүйе құйремей тұрып-ақ Шәкірім Құдайбердиев, Әлихан Бекейханов, Ахмет Байтұрсынов, Жусіпбек Аймауытов, Міржақып Дулатов сынды Алаш арыстарын, ардақты ақын-жазушыларымызды халқымызben қайта қауыштыруға айтарлықтай үлес қосқан, тәуелсіздіктің алғашқы қызын жылдарында еліміз үшін шыбын жанын шуберекке түйген көреген Көшбасшымыз Нұрсұлтан Әбішұлының жанынан табылып, ұлттымыздың рухын оятуға, еліміздің еңсесін көтерісуге атсалысқан, Наурыздың ұлттық рухани сипат алып, қайта орадуына, ана тіліміздің мемлекеттік мәртебеге ие болуына, елдік салт-санамыздың, әдет-ғұрпымыздың жаңғыруына зор үлес қосқан Мырзатай Жолдасбековтің есімі елімізге кеңінен белгілі. Соңғы уақытта мен ұлт мұраты жолында ғұмыр бойы жан аямай қызмет етіп келе жатқан Мырзатай Жолдасбеков ағамыздың құреске, ғибратқа, қызықтарға толы өмірі туралы сыр-сұхбатқа құрылған жаңа роман жазуға кірістім. Бүгін сол кітаптан алғашқы «сүйінші» үзіндіні ұлт газеті «Егemen Қазақстан» арқылы көпшілікке ұсынуды жөн көрдім.

Автор: Мырзеке, «Отан үшін отқа тұс, құймейсін» деген еді Бауыржан Момышұлы. Отан үшін, ел үшін, халқын үшін енбек ету – енбек атаулының мәндісі. Халқымыз езі үшін аянбай енбек еткен аяулы ұл-қыздарының есімдерін де, атқарған қызметтерін де білуге тиіс. Осы тұрғыдан келгенде сіздің университет бітірген соң әуелі бірер жыл өзіңізді оқытқан оқу орнында дәріс бергеніңізді, артынан аспирантураға түсіп, «Көне түркі әдеби ескерткіштері және олардың қазақ әдебиетіне қатысы» атты диссертацияны мейлінше сәтті қорғаңызызды білеміз. Сіз ғылымның өзіңізге дейін ешкім зерделемеген, ой сәулесін түсірмеген, аяқ баспаған тың алқабын өте мұқият, терең, тыңғылышты зерттедіңіз. Сұңғылалықпен игердіңіз. VIII ғасырдағы тасқа қашалып жазылған Орхон ескерткіштерінің түркі жұртына, қазақ әдебиетіне ортақтығын жан-жакты дәлелдедіңіз. Тұңғыш рет Құлтегін, Тонықөк кешені мәтіндерінің бүтінгі қазақ тіліндегі әдеби-мағыналық аудармасын (жаңашасын) жасап, оларды 1967 жылды жарық көрген «Ертедегі

әдебиет нұсқалары» атты кітапта жарияладыныз. «Бұл кітаптың шығуына орай қазақ әдебиеті тарихының көкжиегі он екі ғасырдан әріге кеңейді», – деп жазған еді сол кезде Мәскеудің өте беделді «Вопросы литературы» журналы. Қазакта «отызында орда бұзбаган қырқында қыр аспайды» деген мақал бар. Бүгін ойлап карасақ, сіз сол кезде тұп-тура отыз жаста екенсіз. Сіздің ол еңбегіңіз халқымыздың тарихын, әдебиетін зерттеудегі орда бұзғанмен тең дейтіндегі барынша айтуды еңбек болды. Сіздің сол Орхон ескерткіштері туралы зерттеулеріңіз енген «Асыл арналар» атты кітабынызды оқыған әдебиетіміздің аузы дуалы абыз ақсақалы Әбділда Тәжібаев «мына Мырзатай бір өзі бір институттың жұмысын жасап жүріпті ғой» деп куанып, «Қазақ әдебиеті» газетіне үлкен мақала жазғанын да білеміз. Бұларды мен, Мырзеке, бүгін сізben әдейі осы тақырыпта емін-еркін отырып, ашылып бір әңгімелессек деген ұсыныспен айтып отырмын.

Мырзатай: Жарайды. Дұрыс. Ол зерттеулерімді мен расында да өз өмірімдегі, адамға алынбайтын біктер жоқ сияқты көрінетін жалындаған жастық шағымдағы бірнеше жыл дамыл таптай ізденіп, тындырған, нәтижесін, жемісін көзбен көрген, өзіме үлкен рухани қанағаттанушылық сезімін әкелген, еліме, халқыма да пайдасы тиген еңбегім деп санаймын. Сен осы тақырыпта әңгімелессейік деген соң, өзімнің сол зерттеулерімді осыдан бірер күн бұрын ғана қайтадан оқып шығып, шынымды айтайын, риза болым. Санамда қайта жаңғырттым. Сол кез үшін мұлде жаңа, тосын, сонысымен бірге байсалды, орынды, шыншыл пікірлерді айта білген екенмін-ау деп куандым. (Мырзеке осы тұста маған мереілене қарап, көзінде жастық ұшқыны жарқ ете қалғандай болып, жұмсақ жымиып қойды).

Автор: Осы тұрғыдағы әңгімемізді әуелі сол кездегі өмірдегі, ғылымдағы, әдебиеттегі орын алған жағдайлардан бастасақ. Қазақ әдебиеті тарихының зерттелуі ол уақытта қаншалықты деңгейде еді?

Мырзатай: Эр заманның өзіне бейімдейтін өз идеологиясы, өз саясаты болады. Біз жалаулатқан, ұрандатқан коммунистік жалаң идеологияның ықпалында тәрбиеленіп өскен үрпақтыз. Ол халықтың өз тарихын, өзі жасаған асыл мұраларын өзіне жат қылған заман еді. Аса көрнекті делинетін, казақ әдебиеті тарихын зерттеуге өлшеусіз үлес коскан академик Қажым Жұмалиев ағамыздын: «Қазақ әдебиетінің тарихы XVIII ғасырдан, сол кезде өмір сүрген жыраулардан басталады» дейтін жаңсақ тұжырымы коммунистік сананың салқынымен қалыптасқан еді. Өкініші, оның бұл тұжырымдамасы оқулық арқылы мектеп оқушыларының зердесіне құйылып, санасына сініп жатты. Баяғы таптық көзқарас дейтүғын ескі дерт аяқ-қолды бірдей тұсап, біздің талантты қазақ халықтың ғасырлар бойына тудырған байтақ эпостарының өзі оқытылмады. Өйткені, Қобыланды, Алпамыс, Төлеген барлығы байдың балалалары ғой. Сонымен, оқу орындарының бәрінде тек Қамбар батыр жырын ғана оқытты. Өйткені, Қамбар тоқсан баулы қыпшақтан шыққан кедей, аңшылықпен әүлетін асырап жүрген адам. Мұндай түсінік бүтіндегі әдебиет туралы жүйелі, қисынды ұғымдардың быт-шытын шығарды. Жалпы, әлем тарихынан біздің билетініміз халық болған жерде оның мәдениеті болады, тарихы болады. Ал тарихы болған жерде оның мәдениетінің тарихы болады, әдебиетінің тарихы болады. Қазақ халқы да солай.

Автор: Осы тұрғыдан келгенде қазақ әдебиетінің тарихы жайында, оның тұп-төркіні жайында не айтуға болар еді?

Мырзатай: Қазақ халқы бір күнде пайда болған жоқ. Егер біз қазақ халықтың басынан кешкен формацияларға зер салсақ, онда сол әрбір дәуірдің өзі тудырған мәдениетінің, әдебиетінің үлгілерін аңғарып, танығандай болар едік. Кез келген халықтың әдебиетінің тарихы сол халықтың өзімен бірге туады, бірге қалыптасады, бірге дамиды. Қазақ әдебиеті де бір ғасырда тұа қалған жоқ. Ол байырғы замандардан бері қалыптасып, дамып келеді. Әр дәуір өзіне лайықты мәдениет, әдебиет қалыптастырған. Қазақ әдебиеті тарихының байырғы сақ, ғұн, түрк дәуірінен бастау алғынын бүгінде дәлелдеп жатудың еш қажеті жоқ.

Автор: Сол ертедегі кездерден бізге жеткен өнер туындылары – халқымыздың қымбат жәдігерлері ғой. Ал тіл мәселесіне келгенде осы жөнінде не айтар едіңіз? Сіз ел таныған көрнекті әдебиетші ғалымсыз. Қазіргі қазақ тілінде, әдебиетінде сол кездерден, рулық дәуірден біздерге жеткен қанатты сөздер, әдеби мұралар бар ма?

Мырзатай: Осы өзің айтып отырғандай, ертедегі рулық дәуірдің шындығынан туған, қуні бүгінге дейін бізге жеткен өлеңдер, ертегілер, жұмбақтар, мақал-мәтелдер аз емес. Халық тудыратын қанатты сөздер жылдап емес, ғасырлар бойы жасалып, бірте-бірте ұшталып, өткіленіп, әсемдене береді. Қалыпты тіркестерге, қанатты сөздерге, мақал-мәтелдерге айналып кетеді.

Автор: Осында нақты мысалдар келтіруге болар ма еді?

Мырзатай: Әрине. Мәселен, өте ертеде туған, бізге жеткен «Сұңғінің жарасы бітер, тіл жарасы бітпес», «Отыз тістен шыққан сөз отыз рулы елге тарапар», «Ұлың – Ұрымға, қызың – Қырымға», «Барар жерің Балқан тау, ол да біздің барған тау», «Жазған құлда шаршау бар ма», «Түйеге мінген қой ішінде жасырына алмас», «Диірменде туған тышқан дұрсілден қорықпас», «Жол сілемін түйе білер, жер жапсарын тұлқі білер, баласының кімнен туғанын анасы білер», «Тағдырды тәнірім жасар», «Адам баласының бәрі өлуге жаралған», «Өлімнен ұят күшті» деген сияқты, басқа да көптеген мақал-мәтелдерді айтуда болады. Бұлардың біз сонау түрк дәуірі кезінде, одан да ерте туған халық ойының көркем ескерткіштері деп білеміз. Сол VII-IX ғасырларда түркі жұрты арасында бүгінгі біздермен туыстас түркі текес халықтардың бәріне ортақ алғашқы әдеби дәстүрлер қалыптаса бастаған. Соның нәтижесінде әдебиеттің кесек ұлгілері туған. Оған ақындық тәсіл мен дәстүрдің ең ертедегі туындысы болып есептелетін, бүгінгі өзіміз сөз етіп отырған Орхон жазбаларын зерттеген кезімде көзімді анық жеткізгенмін. Тасқа қашалып жазылған Құлтегін, Тонықөк туралы жырларды сол дәуірдегі жазба әдебиетінің жарқын белгілері деп те қарастыруға болады.

Автор: Ал содан кейінрек, тоғызыншы ғасырдан бастап осы күнгі Орта Азия мен Қазақстанды арабтар жаулай бастады емес пе?

Мырзатай: Иә. Соның салдарынан осы аймақты мекен еткен халықтардың бұрынғы мәдениеті талқандалып, түркі рулады пайдаланған әліппелер, жазу-сзызулар мұлде жойылды да, олардың орнына араб тілі, араб әліппесі, араб мәдениеті келіп орныға бастады. Бұл кезде оқу, ғылым, әдебиет – барлығы да араб мәдениетінің ықпалымен дамыды. Егер тарихқа үнілсек, X-XII ғасырларда Орта Азия мен Қазақстанда қалалардың өркендегенін, жергілікті халықтан да талай ұлы ғұламалар, ғалымдар шыққанын көреміз. Мысалға әлемге аты белгілі бабамыз Фараби – Отырар қаласынан шыққан. Сол кезде біздің бабаларымыз, жергілікті халық тудырған түрлі-түрлі әдеби шығармалар, ғылыми еңбектер болғаны белгілі.

Автор: Солар туралы да қысқаша айта кетуге бола ма?

Мырзатай: Әрине. Бұл енді сенің сұрап отырғаның халқымыздың тарихының ислам дәуірінің кезі ғой. X-XII ғасырлар. Осы кездерде өмір сүрген, жаңағы айтқан Фараби бабамызға қоса Мұхаммет Хорезми, Абурайхан әл Бируни, Әбу әлі ибн Сина (Авиценна), Рабғузи, Махмұт Қашқари, Қожа Ахмет Ясауи, Ахмет Юғнаки, Сүлеймен Бақырғани, Омар Һайям, Жүсіп Баласағұн тәрізді қазіргі түркі халықтарының біразына ортақ ойшылдарды, ғалымдарды, ақындарды айтудымызға болады. Бұлардың бір ерекшелігі – аталған ғұламалар түркі халықнан шыға тұра сол уақыттардағы араб әдебиетін, араб ғылымын, сонымен бірге дүние жүзі ғылымын дамытуға үлкен үлес қосты. Одан берігі тарихқа көз салатын болсақ, XIII ғасырдың басында Орта Азия мен Қазақстан монғол шапқыншылығына тап болды. Олар Қытай, Рим аралығындағы кең байтақ жерлерді түгелімен жаулап алып, он үшінші, он төртінші ғасырларда Алтын Орда мемлекетін құрғанын білеміз. Бұл дәуірдегі әдебиет туындылары аралас тілде, көбінесе қыпшақ тілінде жасалған. Араб басқыншылары да, монғол шапқыншылары да өлкемізді әбден ойрандап, ертедегі эпостарымызда айтылатында «қаланың аузын қан қылып, қақпаның аузын шаң қылып», ел мен шаруашылықты әбден күйретіп, күйзелтіп жіберді. Он бесінши

ғасырда Алтын Орда мемлекеті құлағанда оның орнына жеке-жеке хандықтар құрылды. Солардың бірі – Керей хан мен Жәнібек хан құрган Қазақ хандығы еді.

Автор: Мырзеке, енді бүгінгі әңгімеміздің тақырыбына қайта ойысып, ҚазГУ-дың аспирантурасында оқып жүргенде «Көне түркі әдеби ескерткіштері және олардың қазақ әдебиетіне қатысы» атты тақырыпты неліктен және қалай таңдағаныңыз жөнінде айтып берсөңіз.

Мырзатай: Откен ғасырдың 50-ші жылдарының аяғында, 60-шы жылдарының басында қазақ әдебиеттану ілімінде жаңа бір леп, жаңа бір талпыныс, жаңа пікір пайда болды. Ол: халық болған жерде әдебиет болады, оның тарихы болады, қазақ әдебиетінің тарихы да тереңде, ол – қазақ халқының тарихымен, азаматтық тарихымен біте қайнасады, бірге қалыптасады, бірге дамиды деген ұстаным еді. Бұл пікір бұрын да болған. Бірақ айтылып, жана алмаған от сияқты бықсып, сөніп қала беретін еді. Осыны батыл көтеріп, күн тәртібіне қойған қазіргі әл-Фараби университетінің қазақ әдебиеті кафедрасының сол кездегі профессоры Бейсенбай Кенжебаев болатын. Ол кісі менің ұстазым. Бейсекен осы мәселені зерттеуді қолға алды. Қолға алғанда өзі тікелей айналысқан жоқ, шәкірттер жинап, төңірегіне топтастырыды. Университетті үздік бітіріп жатқан жастардың арасынан іріктең, өзіне аспиранттар белгілей баставы. Мәселен Мұхтар Мағауинді аспирантураға қабылдалап, оған бертіндегі XV-XVIII ғасырлардағы қазақ хандығы дәүірінің әдебиетін берді. Маған көне дәүірді берді. Ол кезде қазақтың көне тарихы, әдебиеті, мәдениеті болған деген сезіді айтудың өзі қылмыспен бірдей саналатын. Алғашында көп ойланып, толғанып: – Мен бұған бара алмайтын шығармын. Отбасым, бала шағам бар. «Пәлен ақынның өмірі мен творчествосы» деп қорғай салсам қайтеді. Ғылым кандидаты болып, күнімді көруім керек қой. Бұл тақырыпты алмаймын, – деп бір күні Бейсекене келдім. Жаман уайымдалап, жүні жығылып, қоңлі түсіп, пәсейіп қалды. – Мырзатай, бұл тақырыптың келешегі өте зор. Сен қазір солай ойлап отырысың ғой. Ал түбінде бұл өте баянды болады, – деді. – Бейсеке-ау, кім біледі, түптің түбінде баянды болса болар. Бірақ таяу болашақта бұған жол ашылатының көріп отырғаным жоқ қой. Бұл тақырыпта маған диссертация қорғатпайтынына көзім жетіп отыр ғой, – дедім. – Қындық, кедергілер болады. Бірақ сен мойыма, жалтақтама. Түбі мақсатқа жетеміз. Бұл өзекті тақырып. Бәрібір бұған, қазақ әдебиетінің тарихын зерттеуші болсаң, ертелі-кеш келуің керек болады, – деді. – Орхон ескерткіштерінің мәтіндері осы құнгі тілімізге әлі аударылмаған, – дедім. – Сен аударасың, – деді Бейсекен. – Ол жазбалардың біздерге, қазақ халқының тарихына қатысы бары дәлелденбекен. – Өзің дәлелдейсің, – деді Бейсекен. – Бұл жұмыстарды бүгін біз істемесек, кім істейді? Жағдайды жақсы білесің. Әдебиетіміздің тарихы құні кешегі он сегізінші ғасырдан емес, ертедегі түп-тамырымыз болып табылатын Түрік қаганаты кезінен басталатынын дәлелдейтін беташар үлкен мақала жазып, қазақ әдебиетінің хрестоматиялық оқулық кітабын шығарамыз. Оған сен барсың, Мұхтар Мағауин бар, Ханғали Сүйіншәлиев ағаларың бар, мен бармың, бәріміз бірігіп ат салысамыз. Хрестоматиясын, бағдарламасын әуелі осылай бір жарияладап алсақ, оқулығын жазуға жол ашылады. Одан соң ол қын болмайды. Оқулықты біз жазармыз, мүмкін басқалар жазар, ол екінші кезектегі әңгіме, – деген еді қадірлі ұстазым сонда. Шынымды айтсам, бір жағы Бейсекене жаңым ашығандығынан, ол кісінің маған қаншалықты сенім артып жүргенін сезініп, қатты қиналғанын көргендіктен, ұсынысына амалсыз көндім. Аспирантураға түсіп, осы тақырыпты алдым. Бірінші жылы үш ай, екінші жылы бес ай Мәскеуде Ленин атындағы орталық кітапханада отырдым. Ескі әдебиет туралы, Құлтегін туралы жазылған кітаптардың, қолжазбалардың барлығын, олардың микрофильмдерін түгел дерлік актарып шықтым. Сонда, шынында да, Бейсекенің айтудың жүргені дұрыс екен-ау, мұның өзі расында да ертелі-кеш біз қолға алатын тақырып екен-ау деген қорытындыға келіп, одан арғы зерттеу жұмыстарына бұрынғыдан да құлшына кірісп кеттім. Енді әдебиетіміз үшін, оның тарихы үшін өткендеңі бұл жағдайларды қазір біздің айтудымыз керек. Алғашқы кезде, партияның заманында «ежелгі қазақ әдебиеті», «көне дәүірдегі қазақ әдебиеті» деп айтуда біздің аузымыз да бармайтын. Тіліміз байланған кез.

Оны бізге айтқызбайтын. Сондықтан біз «ежелгі әдебиет» деп атадық. Бір жағы, көкейіміздегіні айттық, екінші жағы, көкейдегі ойды партиядан, бізді сынайды дейтін шовинистерден бүркемелеп, әдейі солай атадық. Енді құдай үшін, тарих үшін, оның шындығы үшін айтуымыз керек, қазақ әдебиеті зерттеушілерінің ішінде көне дәуірдегі ежелгі әдебиетті, қазақ әдебиетінің ең ерте дәуірін, ерте кезеңін менен бұрын зерттеген бір адам да болған жок. Мұны тарих біледі.

Автор: Әбділда Тәжібаевтың «бұл Мырзатай бір институттың жұмысын бір өзі істеп жүріпті ғой» деп сүйсінгені де сондықтан шығар.

Мырзатай: Бұл істің басында Мұхтар Мағаун, Рымғали Нұргалиев, Алма Қыраубаева, мен сияқты шәкірттерін тәрбиелеген Кенжебаев тұрды. Жиындарда жарқырап көзге де түспейтін, жүртшылықтың назарын аудармай, ақырын сейлеп, ақырын ғана жүретін, соншама кішіпейіл, кішкене қара шал. Бірақ қазақ әдебиетіне сінірген еңбегі ғаламат... VII ғасырдан әрі баруға ол кезде біздің батылымыз жетпеді, әйтпесе сақ, ғұн заманынан келе жатқан аңыздар бар еді. Ол өрістерге бармастан, әлемді үш ғасыр бойы билеген, дүниенің төрт бұрышын түгел алған әйгілі Түрік қағанаты кезеңінде туған, бабаларымыздың тасқа қашап, өшпестей етіп, бір көзінен қан, бір көзінен жас ағып тұрып үрпақтарына арнап жазып, қалдырып кеткен тарихи жырларынан бермен қарай бастадық.

Автор: Енді бүгін тәуелсіздік алдық. Ежелгі сақ, ғұн замандарынан келе жатқан аңыздарды, өзге де қазыналарымызды зерттеуге жол ашылған, мүмкіндіктің бәрі туған кез ғой.

Мырзатай: Бұл енді бүгінгі және келешек жастарымыздың, мамандарымыздың ісі болар. Сонымен Мұхтарды, мені аспирант етіп алған Бейсекенің өзі де «қазақ әдебиетінің тарихы он сегізінші ғасырдан басталмайды, әдебиет әр халықтың өзімен бірге туады, бірге қалыптасады, өсіп-өркендейді» деген тұжырымын әртүрлі әдеби ортада, әрқалай жиындарда, ғылыми конференцияларда шаршамай, талмай, жалтақтамай айтып жүрді. Осынысы үшін талай таяқ та жеді, неше түрлі сөз де естіді. Бірақ әділдік үшін, әдебиетіміздің ақиқат тарихы үшін аянбай қресті. Өзі ұяң, момын, бас көтеріп кісіге қарсы сөйлемейтін биязы Бейсекенің мұзды мұхитты бұзуға, санаға сіңіп кеткен қагиданы өзгертуге сол заманың өзінде қалайша тайсалмай қарсы шыққан батырлығына өз басым әлі күнге дейін тәнтімін. Осыған байланысты мынадай бір эпизод еске түседі. Мың тоғыз жұз алпысыншы жылдардың ортасында ол кездегі педагогика институтында, Абай атындағы бүгінгі ұлттық педагогикалық университетте өткен конференцияда әдебиет тарихы мәселесі талқыланды. Бейсекең осында өзінің бұрын да айтып жүрген пікірлерін жүйелеп, көптің талқысына салды. Біз Мұхтар Мағаун екеуміз ол кезде Бейсекенің аспирантымыз. Бейсекенді қолдап, біз де сөйлемдік. Біздің де сөзіміз уәжді, дәлелді болды ғой деймің, көпшілік ықыласпен тыңдал, қолдап, қошеметтеп отырды. Жап-жас аспирантардың академиктің тұжырымына ашық қарсы шыққаны батыңқырап кетті ме, мен мінбеде сөйлеп тұрғанымда академик Қажым Жұмалиев ағамыздың: – Бейсенбай, тарт үргізбей мына күшіктерінді! – деп айқай салғаны әлі есімде. Қажекен адудынды кісі еді, ұяң ұстазымыз басын сипалап отыра берді. Осылар сияқты талай талқыдан соң, мың тоғыз жұз алпысыншы жылдардың ортасында Бейсенбай Кенжебаевтың тұжырымы елдің санасына сіңіп, әдеби орта қазақ әдебиетінің тарихы әріден басталады дейтін пікірге илана бастады. Ол кездегі КазГУ, бүгінгі әл-Фараби ұлттық университетінде мен тұнғыш рет «Ежелгі әдебиет» деп аталатын курсы негіздел, жоғары оқу министрлігіне оның бағдарламасын бекіттіріп, лекция оқы бастадым. Бейсекен идеясының алғашқы женсі еді бұл. Тұptеп келгенде бұл қазақ әдебиеті тарихының да даусыз женсі болатын.

Автор: Бейсекенің, сіздердіңжоғары оқу орындарының филология факультеттерінің студенттеріне арнап дайындаған «Ертедегі қазақ әдебиеті хрестоматиясы» атты кітаптарының 1967 жылғы «Мектеп» баспасынан басылып шықты ғой.

Мырзатай: Ол кітаптың қолжазбасын КазГУ-дің қазақ әдебиеті кафедрасы мың тоғыз жүз алпыс бесінші жылы өзірлеп, баспаға ұсынған болатын. Оның авторлары – Бейсенбай Кенжебаев, Ханғали Сүйіншәлиев, Мырзатай Жолдасбеков, Мұхтар Мағауин, Қабиболла Сыдыков еді. Әдебиетіміздің ежелгі дәуірін мен жаздым, кіріспесін жазыстым. Кітаптың талқылануы, дауы екі жылға созылды. Ақыры оның тағдыры сол кездегі Казгоскомиздаттың төрағасы Зазулиннің (аты-жөні есімде жоқ) кабинетінде талқыланып шешілді. Зазулин ұзын бойлы, ажарлы кісі еді, қазақша білмейді екен. Біздің әңгімемізді бір кісі оған аударып отырды. Айтылған сөздің бәрін стенографистка қағазға түсіріп отырды. Баяғы дау-дамайы бітпейтін қазақ емеспіз бе, бір жағында академик Әлкей Марғұлан, профессор Есмағамбет Ысмайылов, профессор Бейсенбай Кенжебаев, профессор Ханғали Сүйіншәлиев және мен – аспирант, екінші жағында академик Қажым Жұмалиев, ғылым докторлары Ысқақ Дүйсенбаев, Әнуар Дербісөлин және біреу (есімде жоқ) екі жар болып қолжазбаны талқылаға салдық. Талқылауға бәрі де қатысты, сөйлемеген кісі қалған жоқ. Кенжебаев бастаған топ бұл кітапты шығару керек дедік, Жұмалиев бастаған топ қарсы шықты. Мен өз сөзімде түрк дәуірінде жазылған мұралардың бәрі де – Орхон ескерткіштері де, ертеде өмір сүрген өзге де түрк текстес халықтар тәрізді қазақ халқына да ортақ деп, ежелгі мұралардан мысалдар келтірдім. Қажым Жұмалиев та, Ысқақ Дүйсенбаев та сол жерде Орхон ескерткіштерінің, Ясауидің қазақ әдебиетіне еш қатысы жоқ, айтып отырғаның қысынсыз деп, бетімнен қайтарып тастады. Сол жиында бatalы сөзді, төрелікті академик Әлкей аға Марғұлан айтты. Ата мұрасына қарсы шыққан, халқымызға жат санаған Қажым, Ысқақ ағаларға ауыр сөздер айтты. «Әжептеуір ғалымсындар, ғылыми атақтарың бар, аспирант құрлы пайым-түсініктерінің болмағаны өкінішті. Мырзатайдың мына кітапта жазған тараулары ерлікке бара-бар» деген сөзі әлі күнге дейін құлағымда. Аты аңызға айналған ұлы академиктен ондай баға аламын деп ешқашан ойлаған емес едім. Кейін мен диссертация қорғағанда бас төрешім Әлкей аға, екінші төрешім диссертациясын менен бұрын қорғаған халқымыздың аса дарынды перзенттерінің бірі Мұхтар Мағауин әріптесім болды. Диссертация қорғауым ұзаққа созылып, академик Марғұланның қайта сөйлеп, менің кандидаттық диссертациямға ғылыми кеңестен докторлық атақ сұрағаны есімнен кетпейді. Қысқасы, сонымен «Ертедегі әдебиет нұсқалары» Госкомиздаттың шешімімен «Мектеп» баспасынан, жаңағы өзің айтқандай, 1967 жылы басылып шықты. Содан бастап әдебиет тарихы, оның түп-төркіні жайындағы дау-дамай су сепкендей басылды. Кітаптың өзі баяғында хиссаларындағы қолдан қолға көшті. Мәскеуде шығатын «Вопросы литературы» журналы мана өзің айтқандай «с выходом в свет этой книги история казахской литературы углубилась на целых двенадцать веков» деп жазды. Сөйтіп, профессор Бейсенбай Кенжебаевтың әдебиет тарихы жайындағы жаңа тұжырымдамасы салтанат құрды.

Автор: Сіз Орхон жазуларындағы Құлтегін, Тонықек туралы мұраларды атақты орыс ғалымдары Радлов, Малов сияқты қарасөз түрінде емес, жыр ретінде аударып, хрестоматияға жыр ретінде кіргіздің ғой.

Мырзатай: Осы ескерткіштердің жанрлық сипаттың дұрыс анықтап, алғашқы пікір айтқандар халқымыздың асыл ұлдары, академик Әлкей Марғұлан мен ұлы жазушымыз Мұхтар Әуезов болатын. Ә. Марғұлан 1957 жылы шыққан «Қазақ ССР-ы тарихы» 1 томының 117 бетінде: «VI-VIII ғасырлардағы халық фольклорында эпостық поэзияның Орхон ескерткіштерінде жазылып қалған ең ертедегі ақындық тәсілдері мен дәстүрлері белгілене бастаған. Бұл поэзияның элементтерін Құлтегін мен Білге-ханның басындағы құлпытастарына жазылған жазулардан көруге болады. Бұл жазулардың тексі эпостық әңгіме стилінде жазылған», – деп көрсеткен еді. Ал Мұхтар Әуезов 1952 жылғы 8 шілдеде «Манас» эпосын зерттеуге арналып Фрунзе қаласында өткен бүкілодактық конференцияда: «Орхон жазулары» деген не? Бұл күнге дейін оларды тіл тарихында ескерткіші ретінде зерттеп жүр. Соған қоса ол фольклордың мейлінше көне үлгілерінің де ескерткіші емес пе? Сол жазуларда эпостық аңыздардың шағын да ықшам фабулалық желілері бар ғой», – деген болатын. Құлтегін мен Тонықек жазбаларын арнайы зерттеген

ғалым И. В.Стеблева Мәскеуден 1965 жылы шыққан «Поэзия тюрков» деген монографиясында: «Туған елінің тәуелсіздігі мен құлдыққа қарсы қүресін, халқына және оның ерлеріне деген сүйіспеншілігін ақындық шабытпен жазған Орхон текстілерін жалаң тарихи (тарихи-өмірбаяндық) деректемелерге жатқыза қоюға болар ма екен? Керісінше, белгілі бір ақындық дәстүрдің ортасында туған осы жазуларды тарихи-ерлік поэма деп тану әлдеқайда орынды болар еді», – деп жазады. Мен өз зерттеулерімде Стеблеваның айтқандарына негізінен қосыла отырып, бұл ескерткіштердің жанрын одан әрі нақтылай түстім. Расында да бұлар Стеблева айтқандай бірегей ағыл-тегіл жырдан тұрмайды. Орхон жырлары тек қана өлеңге құрылмаған. Оның баяндау тәсілінде өзіміздің «Алпамыс», «Қобыланды» тәрізді эпикалық жырларымыздыңдай, қара сөз де араласып келіп отырады...

Әңгімелескен: Болат БОДАУБАЙ